



Menerusi pengiktirafan itu, Massila menerima sebuah trofi dan sijil yang disampaikan adinda kepada Yang di-Pertuan Agong, Yang Amat Mulia Tunku Hajah Mariam Zaharah Sultan Iskandar.

Anugerah Ikon Pendidikan Malaysia 2025 milik Naib Canselor UTeM



ROSHLAWATY MD RAEH

Follow

04 Jun 2025 01:57pm

Twitter Facebook Whatsapp

A- A A+

Nama Naib Canselor Universiti Teknikal Malaysia Melaka (UTeM), Profesor Datuk Ts Dr Massila Kamalrudin tidak perlu diperkenalkan lagi dalam dunia pendidikan.

Kewibawaan dan kecemerlangan beliau dalam menerajui UTeM sememangnya diperakui ramai, apatah lagi dengan pencapaian membanggakan universiti itu di bawah kepimpinannya.

Beliau bukan sahaja dikenali sebagai tokoh akademik yang berwawasan, malah turut disanjung atas pendekatan strategik dan kepimpinan berasaskan integriti serta inovasi.

Terkini, beliau baharu sahaja diumumkan sebagai penerima Anugerah Ikon Pendidikan Malaysia 2025 dalam majlis Anugerah Personaliti Industri & Usahawan Malaysia (APIUM) 2025 di Kuala Lumpur.



Menerusi pengiktirafan itu, Massila menerima sebuah trofi dan sijil yang disampaikan adinda kepada Yang di-Pertuan Agong, Yang Amat Mulia Tunku Hajah Mariam Zaharah Sultan Iskandar.

Turut hadir Penolong Naib Canselor Strategik dan Kelestarian Global, Profesor Madya Mohd Rahimi Yusoff; Dekan Fakulti Teknologi Maklumat dan Komunikasi, Profesor Madya Ts Dr Mohd Sanusi Azmi dan Pengarah Pusat Hubungan Strategik Korporat dan Global, Hazman Hasib.

UTeM dalam satu kenyataan memaklumkan, Anugerah Ikon Pendidikan Malaysia 2025 yang diterima Massila merupakan satu pengiktirafan terhadap kredibiliti, kecemerlangan dan sumbangan beliau dalam memimpin Universiti Pendidikan dan Latihan Teknikal dan Vokasional (TVET) Terbaik di Malaysia.